

Disputatio DE FEBRE QVAR- TANA PERIODICA:

Adquam

DIVINO FAVENTE NUMINE, SVB
PRÆSIDIO CLARISSIMI VIRI D. GEORGII
HAMBERGERI, Artis Medicæ Doctoris, eiusdemque
in celebri Tubingensium Academia Professoris eximij,
Præceptoris sui omni observantia colendi, in Aula
noua publicè, vii. Kalend. Iunij horis antemeridi-
dianis, pro ingenij sui tenuitate respon-
dere conabitur

THOMAS SCHLAIER,
Tubingensis.



T V B I N G Æ.

Excudebat Georgius Gruppenbachius.
M. D. LXXXVII.

DISPUTATIO DE

FEBRE QUARTANA

Periodica.

QUESTIO.



VM Alexander Trallianus in curatione Quartana Galenum, quem tamen vbiuis locorum diuinissimum appellat, suggillet, atq; haud obscure in prescribenda dieta, & vsu antidotorum redarguat, de Quartana disputationem proponere libuit, ex qua non tam, quae circa hanc Quartanam considerata spectandaq; sunt, quam etiam, vtrum merito Galenus à Tralliano reprehendatur, euident, atq; perspicuum futurum est.

Thesis prima.

Quartana autem, seu τεταρταῖος, de quarto in quartum affligit: vel vt Isagoge testatur, duos dies intermittit, deinde reuertitur; quemadmodum continua Quartana, quod biduo remissior, quarto quoque die exacerbetur, nuncupatur.

2. Vnde patet iuxta Galeni, & aliorum medicorum sententiam, aliam Quartanam esse continuam, aliam intermittentem: de illa tamen hic, cum omnium febrium rarissima sit, & si quem inuadit, plerumq; iugulet, κατὰ Διέξοδον non tractabimus, sed de hac potissimum, quae frequentior est, & iam per se ortum trahit, iam verò ad alias febres intermittentes, continuas, arden-tes, vel erraticas κατὰ μετὰ πλῶσιν consequitur.

3. Intermittens porro Quartana febris, alia exquisita, seu legitima, alia verò non exquisita, sed spuria est.

4. Exquisita à solo humore melancholico putrescente oritur, quando is per sentientia corpora delatus extra venas putrescit, & de quarto in quartum affligit.

5. Non exquisita verò, & spuria, ex atrabile, per humorum affationem genita, ortum habet: quo fit vt aliarum febrium continuarum, vel intermittentium, maximè vero erraticarum sit soboles. Quando namq; in venis effervescent humores, in tali feruore, fax multa residet, ac plurimum humoris melancholici generatur, & aggregatur, & hinc est, quod post longas febres quartana succedit.

3. Prog.
aph. 29.

6. *Ad erraticas verò febres consequi quartanam, Hipp. in Prognost. testis est, dum inquit: Interpolata febris, eademq; errabunda in Quartanam mutabitur, præcipuè si autumnus proximus est.*

7. *Pura verò ex seipsa, non ex alia febre prægressa originem suam trahit, eosq; inuadit, qui melancholici humoris plurimum coaceruarunt, aut quibus liene imbecilliore existente sanguis à sua fœce non rectè expurgatur.*

Libr. 2.
de diff.
febr c 5.

8. *Hoc verò interdum contingit ob nimiam humoris melancholici abundantiam, quam nativus calor neq; euincere, neq; expellere potest: tum enim, si moram in corpore trahat, necesse est, ut corrumpatur. Nullus enim alius humor, ut Galenus inquit, qualis ab initio exstitit, permanere potest: nedum qui adeò vitiosus est, ut à natura cultum amplius suscipere non possit; sed aut concoctus assimilatur, atq; apponitur solidis animalis partibus, aut corrumpitur, & putrescit.*

9. *Etenim, eodem Galeno authore, natura quinq; de causis aliena excernere nequit: nempe propter excrementorum crassitudinem, multitudinem, lentorem, viarumq; obstructionem, & facultatis expultricis imbecillitatem. Ergo si totum quod deprauatum est, excerni nequit, necesse est, ut si diutius in animalis corpore manet corrumpatur.*

10. *Huius itaq; morbi materiam peculiariter, & velut ex temperamenti natura gignunt, graciles, nigri, glabri, venis angustioribus præditi, lienosi, prætimidi, & pusillanimes, & summatim qui temperamento frigido, & sicco sunt præditi, siue id à natura habeant, siue peruersa victus ratione illud acquisierint.*

11. *Hæc humori generando non parum etiam conducit atas ad declinationem iam vergens: in hac namq; calor fit languidus, & sanguis melancholicus colligitur copiosius, qui densata cute, atq; perspiratione prohibita promptè putrescit: vnde putrefacto sanguine melancholico Quartana excitantur.*

Dep. epi.
de feb. aut.

12. *Nec parum momenti adfert aëris, & cœli status inæqualis, qualis autumnali tempore contingere solet.*

13. *Non tantum verò autumnii tempore febres quartana, atq; erratica, lienes magni, verum etiam æstate, maximè extrema huius parte, quæ ad autumnum vergit, eiusq; natura proxima est, oriuntur, ut testis est Hipp. Sect. 3. aphor. 21.*

14. *Imò verno tempore quemadmodum melancholia, & furores, ita quoq; Quartana oriri possunt: potissimum, si hoc temperiem autumnino non dissimilem nactum fuerit. Veris namq; caliditate humores in profundo corporis de-*

3
ris delitescentes, diffunduntur, ac cōmouentur, vnde varij procreantur morbi.

15. Quemadmodum etiam pueris, fœminis, alijsq₃, qui nihil melancholici ostendunt, sed candidi sunt, pituitam vomentes crassam, ac lentam deiciētes, euenire potest. Ex cruditatibus nimirum, quæ lienem imbecillum, tumidumq₃ reddere, pituita, & flatibus replere possunt, vnde etiam homo splenicus fit.

16. Επιτὴν δὲ πάλιν præterea, & vitæ conditio tristis, melancholica, vehementes cogitationes rerum grauium & tristium mœror, & timor magnus, seu diuturnus, absq₃ causa manifesta; vel etiam si ob causam manifestam inceperit, sed longius tamen æquo durauerit, melancholiam indicat, & parit: auctore Hippo. Sect. 6. aph. 23. Cui etiam accedunt vehementes atq₃ frequentes exercitationes inter animi perturbationes, iram, curas, vigilias, motum, &c. peractæ.

17. Nec parum ad humoris melancholici procreationem, & hinc ad Quartanæ generationem faciunt cohibitæ, & omissæ vacuationes consuetæ quolibet, siue arte procuratæ, siue naturales sint, qualis est, quæ fit per hæmorrhoidum venas, alui deiectiones, mensium, sudoris, & similiū expurgationem.

18. Si quid autem humorem melancholicum, ita & Quartanam efficere potest, est vsus multus, & frequens alimentorum, quæ crassos, & melancholicos succos gignant, quorum plurima à medicis, potissimum à Galeno de alimentorum facultatibus, de attenuante victu, & libr. 3. de loc. affect. enumerantur.

19. Quales sunt panis furfuraceus & ater, lentus, carnes caprinæ, bubulæ, magisq₃ hircinæ & taurinæ, leporum, limacum, & omnes terrenorum animalium carnes sale conditæ, brassica: & vt summatim dicam, quicunq₃ cibi & potiones proportionem temperamento frigido, & sicco respondent, febres Quartanas gignere possunt.

20. Quemadmodum etiam qui temperamento eodem præditi, apti sunt, vt in Quartanam incidant, nimirum qui gracili, & glabro corpore crassis, terrenis, & omnino fœculentis cibis diutius addicti fuerunt.

21. Quod ad impuram Quartanam attinet, etsi humores in corpore etiam aduri possint, à frequentiore, & immoderato vsu salforum, piperatorum, & aliorum acriū, vt alliorum, porrorum, cœparum, sinapis, vini meracioris, remediorum calidissimorum, imprudenter administratorum &c. Omnium tamen frequentissima, & maximè efficax causa est febris alia præcedens, quæ igneo suo calore humores adassans, quantum per accessiones non bene expurgatur, in corporibus relinquit, alteri morbo occasionem præbens.

22. Et licet ex Tertiā impura vbi longior fuerit, & quotidiana diuturna in Quartana mutatio fieri possit, longè tamen frequentissima est februm errabundarum in Quartanam transitus, atque conuersio, potissimum si autumnus proximus est. Humor enim quicumque priorem febrem genuit, nisi integrè vacuetur, exustus, crassiorq₃ factus, atræ bilis naturam subit, accensusq₃ subiecta fit Quartana materia.

23. Quartana intermittens exquisita his signis internoscitur, si primò inuadat paruo rigore, aut potius horrore, seu frigefactione, qualis hyberno tempore per gelu sentitur, sed quantò magis ad statum accedit, tantò frigus apparet magis constringens quasi carnes, & contundens, vt etiam refrigeratio quædam in ossibus videatur.

24. In ea paullatim humor veluti lapis aliquis aut testa, aut os, aut tale aliquid huiusmodi corpus frigidum & siccum succenditur: vbi verò aliqua ex eo flamma fuerit accensa, nihil fumosum, aut semiustum in accensione relinquit, sed vniuersum depascitur. Atq₃ idcirco in hac febre sunt longiores cessationes, quàm in aliis, atq₃ intermissio exquisitè pura videtur; quoniam hîc quicquid atræ bilis fuerit accensum, exhauritur, atq₃ dispergitur.

25. In dorso præterea magnus excitatur dolor, idq₃ propter materia, quæ incenditur, mordacitatem, vnde vapores acres ad dorsum delati, spondylia vellicant. Et hæc in principio ratione motus materiæ eueniunt.

26. Obseruanda quoq₃ sunt signa, quæ ab operationibus læsis sumuntur. Et quidem, quod ad operationes animales attinet, timidi sunt, tristes, iracundi etiam; non quidem ob cordis calorem, sed quia semper metuunt, ne quid mali ipsis accidat. Idq₃ efficiunt vapores turbulenti, crassi, & tenebricosi ad cerebrum delati.

27. Procliuiiores etiam ad somnum quàm ad vigilias sunt propter pituitam ob frigiditatem in ventriculo exsuperantem: nec tamen quiete dormiunt, quia vnà cum vaporibus pituitosis etiam vapores melancholici in cerebrum efferuntur, qui somnum interturbant. Similiter in motu, non sunt ita immobiles, vt qui Quotidiana, nec ita inquieti, vt qui Tertiā laborant.

28. In actionibus vitalibus: pulsus initio paroxysmi est admodum rarus & tardus, quamdiu scilicet viget horror: in augmento verò, & hoc magis in statu ipso velox est, & frequens, sed tamen perpetuò rarior & tardior, quam in Tertiā. Est hîc tamen insignior, euidentiorq₃ inæqualitas, quàm in aliis quibuscunq₃ febribus.

29. Quod ad naturales operationes: qui Quartana laborant ructum acidum

acidum patiuntur: quoniam humor hic, qui in hac febre putrescit, acidus est. Multum comedere appetunt, qui tamen appetitus in progressu cessat, ob copiam humoris pituitosi in ventriculo frigidioris collecti. Sitim magnam non habent, praesertim in initio, sed in augmento, cum humores iam per adustionem calidiores redditi sunt, etiam illa aduenit.

30. Sumuntur etiam indicia ab excrementis. Qui enim Quartanam patiuntur, pauca excernunt, & aluum habent astrictam: quia bilis non influit in intestina, quae alias ab ea ad excretionem stimulantur: tum etiam, quia illi pituita abundant, quae facibus adheret, & veluti limus retinet illas, cuius signum est, quod cum faeces excernuntur, induratae sunt, & cum pituita permixtae.

31. Urina in principio Quartanae alba est, & tenuis, quia humor terrestris & faculentus per meatus urinarios percolari tam facile non potest: tum etiam, quia via ab eo sunt obstructa: at reueratis viis, crassiores effluunt.

32. Sudores etiam in Quartana ab initio non, aut certe parce profluunt. ob humoris nimirum crassitiem, & cutis densitatem: in augmento vero & declinatione saepe copiosus erumpit: quia humor attenuatus tum est, & via relaxata.

33. Reliqua symptomata sunt, calor non magnus, mordax tamen, & acris, si ad Quotidianam comparetur: si vero ad Tertianam conferatur, non erit mordax. Vixque sine lienis tumore, aut alio eius vitio fit. Quod si per anni tempus autumnale vel alias inaequalem aeris constitutionem, Quartana grassetur, & hac plurimi corripiti videantur, certius erit indicium in prima accessione, eam fore Quartanam. Quae si omnia coaceruata fuerint, aut saltem praecipua, tum Quartana exquisita dicetur.

34. Quartana porro omnes, ut longissima, ita etiam tutissima censetur: longissima quidem; quia habent materiam magna ex parte viscidam, & crassam, eamque simul copiosiore: tutissima vero, quia vehementioribus symptomatis carent, & quia saepe etiam ab aliis magnis morbis liberant. *ἐστὶ δὲ τὸ νόσημα χρόνιον, διατείνουσα δὲ ἔ.*

35. Non tamen omnis Quartana periculo vacat: Senes namque magna ex parte interficit. Et etiam superueniente hydrope, quod facile in Quartana contingere potest, si non recte tractetur, quo suis iugulare potest, praesertim si sit diuturnior.

36. At vero Quartana ipsa per se, & quantum in se est, sine periculo est, & morbos magnos sanat. Nam qui Quartana affligitur febre, non capitur à

64.
tur à m erbo comitali: & hoc malo correptus, Quartana superueniente, subinde liberatur, vt aliquot in locis testatur Hippocrates.

37. Aestiuæ Quartanæ, iuxta Hippocratis sententiam breues iudicantur, autumnales verò longæ, maximè quæ hyemem attingunt. Terminantur tamen sex mensibus, interdum etiam tribus: Si verò sextum vel septimum mensem exceßerint, annuæ fieri solent: vltra annum tamen vix prorogantur, nisi errore victus, medentium, aut astantium.

38. Iudicantur autem magna ex parte breues, quòd humor tenuior sit, cutis laxior, & materia facillè discutiatur. Autumnales verò longæ, maximè quæ hyemem attingunt; quòd harum materia crassior, cutis durior, & externum frigus excretionem prohibeat, materiamq; febris intrò repellat. Vnde Cornelius Celsus scitè dixit: Vetus Quartana raro nisi vere soluitur.

39. Non perpetuum tamen est, æstate breues oriri Quartanas, sed tum, quando materia tenuior, sanguis tempestiuè detrahitur, & iusta vitæ ratio obseruatur.

40. Hipp. 6. Epid. part. 6. aph. 22. inquit: Quartana ante annum vix desinit. Ergo Quartana diuturnæ sunt, quæ vt plurimum ante integri anni spatium vix desinunt.

41. Auicenna memoria scriptum reliquit, Quartanam interdum duodecim annis perdurare, quod fidem non videtur excedere, cum ex recentioribus quidam, in nouem annos productam asseuerent, & alij Mecænatem quendam tota vita perpetua febre laborasse. Et Antipater Sidonius Poëta apud Plinium omnibus annis, vno die tantum natali corripiebatur febre, & eo consumtus est satis longa senectæ.

42. Et quartanam interdum infantes, ac pueri citra vllum victus rationis errorem à primo ortu contrahunt. Quemadmodum etiam ad Quartanam per adustionem humorum factam, renum calculus succedit. Interdum Quartanam diuturniorem hydrops, & hunc interitus consequitur.

43. Ad Quartanam referunt etiam nonnulli febres longioris à πρὸς-έλας, vt Quintanam, Sextanam, Nonanam, & si quæ fortasse rariores periodos habent: Scribit enim Rhazes, se conspexisse febres, quæ à decimo quinto in decimum quintum, & semel quoq; in mense inuaserint. Harum causam asserunt melancholicum humorem admodum crassum, terrenum, & paucum, qualis ab exusta pituita gignitur.

44. Hipp. lib. 1. Epidem. Sect. 3. quintanæ, septimanæ, & nonanæ febris mentionem facit: & Septimanam longam esse, verum non lethalem, Nonanam

nanam hac longiorem quoq₃, at minimè lethalem, Quintanam verò omnium pessimam esse scribit. Etenim & ante tabem, & iam tabidis superuenientem interimere asserit.

45. Hos februm circuitus Galenus se vidisse negat, ideoq₃ Hippocratis ea non esse opinatur, sed aliùs cuiuspiam. Non tamen statim necesse est, vt Galeni fert sententia, si sit Quintana, Sextana, Septimana &c. vt ideò etiam Quintus, Sextus, vel Septimus constituatur in corpore humor, vel alia sedes noua; cùm ab vna eademq₃ materia cum Quartana fieri possint: nempe ab humore melancholico admodum crasso, terrestri, & paucò, qualis, vt commemoratum est, ab exusta pituita gignitur: qui scilicet suapte natura ceteris rarius ac tardius accenditur.

46. Et licet Auicenna, Gentilis, & alij Quintanas febres manifestè sese conspexisse referant: reuera tamen hæ, sicut & reliquæ, sunt rarissimæ, & si occurrunt, eandem, quam Quartana, curationem postulant. Eò autem est faciliior purgatio, quò plures dies intermittit febris. His namque eò commodiùs ægrotantes purgare, alterare, nec non etiam naturam robustiorem efficere possumus.

47. Intermittens porrò Quartana pura, cum diuturnior sit, liberaliorem, quam intermittens spuria victum expostulat: cumq₃ per biduum intermittat, quo cibus tutò assumitur, licet ijs diebus apertè calefacientia vsurpare, cum valde humectantibus, qualia humor maleficus requirit: si enim duntaxat calefacias, crassus humor crassescit magis, & absunta tenui portione, illius quasi fax contumacissima euadit.

48. Hinc immeritò Trallianus Galenum reprehendit, quasi καλὸν abstineat ab ijs, quæ refrigerant, & humectant, cum manifestè lib. 1. ad Glauc. dicat: Arcendi sunt à carnibus porcorum, atq₃ ab omnibus edulijis, quæ tenacia sunt, & tardum habent exitum, & quæ refrigerant, exsiccantq₃ corpus. Ergo calefaciendum & humectandum est corpus. Quia itaq₃ fronte, aut supercilio hoc affingatur Galeno, vt qui non alium victum, quàm qui calefacere, & siccare possit, præcipiat, non videmus.

49. Cibi igitur conuenientes sunt, quotquot humorem frigidum, crassum, viscidumq₃ non gignunt, neq₃ sunt flatulenti. Deligendus itaq₃ panis purissimus, diligenter subactus, ac probè fermentatus, addito paucò, vel etiam nullo sale: præstiterit anisi, vel fœniculi aliquot grana permiscuisse: à crusta vero, & indurato pane abstinendum.

50. Vescendum etiam carnibus hædorum, vitulorum, & nonnunquam

agni aut tenuioris vervecis, gallinarum & pullorum earundem, nec non pullo-
rum columbarum, perdicis, phasiani, anicularum nemoralium. Leporum ve-
ro, cuniculorumq; adultiorum, caprearum, damarum, ceruorum, aprorum,
anatum, & aliarum auium carnes, quæ in lacubus paludibusq; degunt, viten-
tur. Sicut damnantur etiam bubula, & suilla, quòd non facile coquantur, eoq;
nomine crassiore humorem gignant.

51. Ante inuasionem vero, per tres, aut quinq; horas, vel finito paroxys-
mo, cibum capere debent, nisi aliud vires indicent. Quod Actuarius libr. 3. c. 2.
Meth. medendi confirmat, inquiens: Cæterum in omnibus accessionum signifi-
cationibus, ne aliquis in ventriculo sit cibus, qui mali pondus ingeminet, stu-
dendum est. Nam cum natura tempore accessionis ad propellendum ea, quæ af-
fligunt, exsurgat, si quis intempestiuè nutriens illi obstiterit, dubio procul, quò
minus valde noxios humores adoriatur, præpedit.

52. Deinde in præbendis escis quatuor requiruntur; primum, vt ea quæ
per os assumuntur, cruditatem non adaugeant, sed auferant: deinde, nec cibi
incrassandi, sed potius attenuandi vi præditi sint: tum etiam, ne abstringant,
sed magis ventrem emolliant: & deniq; vt ita comparati sint, quæ sanguis
natura gratus, & laudabilis generetur.

53. Saxatiles quoq; pisces, & quicunq; alij, qui sunt friabili carne, con-
coctu faciles, nihil tenax habentes, conceduntur, æstate potissimum: quibus ad-
dimus cancos, & testudines ritè præparatas. Quorum recentium, eorundemq;
tremulorum vitelli in primis conueniunt. Abstinentium à Brassica, quòd ea hu-
mori melancholico nimis faueat.

54. Ex fructibus conueniunt poma dulcia, perfectè cocta, & anisi semine
conspersa, pruna dulcia, vuæ sine acinis vinaceis, carica pingues, dactyli, nuclei
pinei, amygdala dulces, pistacia. Nuces verò regia, & auellana suspectæ sunt, &
præcæteris omnibus castanea, sicut & τὸ ἀργόδενδρον, Grecis appellata.

55. Pro condimentis aromata vsurpentur minus acria, & in minore
quantitate cinnamomum, cariophylla, nux myristica, & (qui præcipuè exhi-
lære dicitur) crocus, nisi dolor capitis agrum diuexet. Galenus recipit salsa-
mentorum, & sinapeos vsum, nec non piperis. Saccharum syræum, & mel
omnibus modis prodesse videntur.

56. Potus sit vinum album, tenue, nonnihil calidum, non tamen admo-
dum dulce, cum tale non pertranseat. Vel aqua decocta cum aniso, fœniculo,
cinnamomo, vel (vt vult Galenus) cum pipere; hac enim quotidie vtendum
suadet.

57. Somnus prolixior confert humectando, eaq³ ratione plus iuuare potest, quàm refrigerando. Coitus omninò vitandus. Aluus sit perpetuò libera, ac nisi sponte deiciat, vsu olerum, fructuumuè concessorum proliciatur: sin minus infusis clysteribus, qui initio molliores sint, postea verò acriores. Aër sit temperatus. Exercitia vehementia prohibita sunt. *παθήματα* omnia, præter laticitiam, vitentur, omnium verò maximè tristitia: illa itaq³ modis omnibus concilianda erit.

58. Obseruandum verò hoc loco diligenter est, quod Galenus monet, vt ab initio leniter, & blandè Quartanam tractemus, neque fortioribus, vel digredientibus, vel purgantibus pharmacis vtamur: quemadmodum etiam nunquam opiata, nisi corpore probè purgato, & in declinatione exhibenda sunt; ne ex simplici Quartana duplicem, ex duplici triplicem, ac deniq³ continuam & lethalem, aut saltem difficiliorem efficiamus.

59. Itaq³ corpus primò purgandum enemate, vel leui pharmaco ex cassia catholicon, folijs senæ, cum ijs, quæ lienem, & humorem melancholicum respuunt. Quibus si nihil profecerimus, vtendum clysteribus, ex folijs maluæ, violarum, branca vrsina, borragine, buglossa, quarum decoctioni addimus oleum violarum, flores cassiæ, mel violatum, saccharum rubeum, salis parum, & vitellum oui. Cui interdum aliquid confectionis hamech, vel diasenæ lenitiui adiungimus.

60. Purgata prima regione etiam per initia sanguinis missio, vbi sanguis vehementer abundat, imperatur. Incidenda autem est media, vel basilica sinistri lateris, & pro ætate, atq³ virium robore sanguis detrahendus. Quòd si incisa vena sanguis emissus niger conspiciatur, & crassus, copiosior emittendus: sin verò flauus, & tenuis videatur, statim cohibendus est. At si sanguinis abundantioris notæ non apparuerint, phlebotomia administrata plus noxæ quàm emolumenti adfert.

61. Si tamen menstruæ purgationes supprimantur, aut hæmorrhoides consueta fluere, non fluant, incidenda est saphena pedis sinistri. Alij postea internam, seu mediam eiusdem lateris incidunt. Hirudines etiam venis hæmorrhoidum apponuntur. Siquidem, vt author est Hippoc. Sect. 6. aphor. 11. Melancholicis, & nephriticis hæmorrhoides succedentes, bonum significant, propter humoris nimirum peccantis vacuationem, cum in hæmorrhoidum venas sese lien, si quando humore melancholico aggrauatur, exoneret.

62. Deinde concoquitur humor melancholicus Syrupis, de capillo Veneris, de Scolopendrio, de lupulis, de fumo terræ, violaceo, acetoso, de pomis de

thymo, de epithymo, oxymelle simplici, scyllitico, diuretico, Syrupo Saboris regis, de byzantiis, vel melicratis factis ex absinthio, chamædri, eupatorio, scolopendrio, capparibus: ex radicibus fœniculi, petroselini, rusci, genistæ, fraxini, poly-
podij, ligno tamarisci, glycirrhiza, & aliis.

63. Aut ex his Syrupos paramus, quibus ferè miscemus passulas, borraginem, buglossam, cuscutam, scariolam, cichoream, quatuor semina communia frigida maiora: semina anisi, fœniculi, carui, portulacæ, coriandri, vel utimur melle passulato, vel succo pomorum odoriferorum.

64. Vel potum conficimus ex florū borraginis, buglossæ an. manip. semis, bethonica, roris marini, stœchados, epithymi, an. pug. vno, scolopendrij, ceterah, fumariæ an. manip. vno semis, melissæ, thymi, foliorū senæ an. manip. semis, arthemisiæ, pulegij, agrimonie an. pug. vno. Radicum cichorij, endiuia, apij, fœniculi, asparagi, an. drach. 3. Rusci, pœoniæ, anonidos, Eryngij, angelicæ an. drach. 1. semis. radicum buglossæ, borraginis an. vncia semis. sem. anisi, fœniculi, citrij mali an. drach. 1. semis, cinnamomi electi drach. 2. santali flauī drach. 1. ligni aloës scrup. 1. Decoquantur secundum artem ad tertiæ partis consumptionem, vt remaneant libr. 2. Decoctiois R. vnc. 3. & semis, Syrupi de fumo terræ, de epithymo, byzantini, acetosi, de radicibus an. drach. 3. Misce, fiat potus, qui sexies, vel septies, aut potius, si prudens, & obtemperans esset ager, ad decimum quartum, aut decimum quintum haustum vsq, repetatur.

65. Postea purgantia præscribenda sunt, quæ non modo communes materias in ventriculo, intestinis, ac primis venis existentes, sed & propriam febris materiam vacuent. In his tamen non obiter considerandum, initio leuiora, & benigniora conuenire: vt sunt electuarius diacatholicon, diæsenæ lenit. Rhabarbarum, lapis lazuli sæpius lotus. Quæ dissoluenda sunt, cum decoctione communi flor. & fruct. cordialium, in qua bullierint folia senæ, epithymus, polypodium. & similia. Si tamen perspicua & manifesta concoctionis indicia appareant, fortioribus vti poterimus; vt est helleborismus nonnullorum, qui post potionem pro digestionem præscriptam, locum habet.

66. Et recipit decocti prius descripti vnc. 4. vel 5. rhabarb. optimi drach. 1. & semis, corticum radicum hellebori nigri, purpureum florem ferentis scrup. semis, vini cretici drach. 2. Terito, quæ teri debent, deinde misceto simul omnia, & die ac nocte macerato, demum percolato, & exprimito. Deinde cum hoc diluto dissoluito elect. lenit. drach. 5. confect. hamech. drach. 2. syr. de pomis savor. regis vnc. 1. Misceto hæc omnia diligentissimè: fiat potus.

67. Vel R. Cort. hellebori nigri drach. 1. (quidam etiam drach. 2. acci-
piunt

piunt) diacatholicon .vnc. semis, rhabarb. electi drach. 1. & semis, cinnamomi electi, Zingiberis an. scrup. semis. Quæ subtiliter pulueriscentur, & helleborus per noctem infundatur in sapa. Deinde fiat fortis expressio, & omnia dissoluantur cum decoctione communi; cui addi potest mellis rosati colati vnc. semis.

68. Catapotia etiam confici possunt, siquidem ager ijs lubentius uti velit, ex massa pilularum indarum, lapide lazuli preparato, & oxymellite con- temperato. Aetius vinum dulce in cavitatem colocynthidis infusum laudat, sic tamen, ut illi admisceatur aliquid apij aut dauci, iucunditatis gratia.

69. Cum autem quartana diuturnus morbus sit, ideo rectè præcipitur in ea paulatim concoquendum, paulatimq; vacuandum esse, semel enim atra bilis educi non potest; quando tam vehemens medicamentum, quod vniuersum hunc humorem, ad trahendum contumacem, vna vice purget, corpus sustinere non queat. Semper verò purgatio molienda est, die paroxysmum antecedente.

70. Intermedio vero tempore, cum febris non affligit, corpus roboran- dum electuarijs, confectionibus cordialibus. Custodiendi quoq; in sua tempera- tura sunt stomachus, cor, hepar, & potissimum lien, ne in eis apostema, aut scirrhus, aut simile quid generetur, aut temperies eorum corrumpatur. Nam humor melancholicus omnia membra principalia ledere solet. Diligens igitur horum habenda ratio.

71. Vnde stomachus inungendus est oleis mastichino, de mentha, de spica, de nuce moschata, quibus addenda caryophylla, macis, cinnamomum, lignum aloës, coralli rubei, gallia moschata, &c. Ex quibus, aut similibus cum cera fiat inunctio mollis, quæ calida adhibenda erit. Quod si frigiditas ventriculi adfue- rit, confortandus est, confectione quapiam, ex succo absinthij, menthæ, specie- bus aromatici rosati Gabrielis, diagalanga, diaxyloaloës, saccharo albissimo, in aqua absinthij dissoluto, ex quibus confectio in rotulis fieri poterit.

72. Similiter & cordi prospiciendum erit; & primum quidem electua- rio ex quatuor conseruis cordialibus, elect. de gemmis, diamoschu dulci, dia- rhod. abbat. ex quibus cum syr. de pomis paratur electuarium. Simili ratione ipsi etiam epithema ex aquis rosarum, borraginis, buglossæ, melissæ, speciebus iam dictis, & alijs admoueri poterit.

73. Lieni vero præ cæteris prouidendum erit, fomentis, & inunctionibus. Paretur ergo fomentum ex radicibus althææ, semine lini, scolopendrio, chama- melo, corticibus radicum capparum, tamarisci, fraxini, seminibus portulacæ, agni casti, &c. ex quibus decoctis fomentetur spongijis lient. Postea vero ante ci- bum inungatur calidè vnguento ex oleis de capparibus, amygdalarum dul-

cium, de spica, sacco cyclamini, brionia, ammoniaco in aceto dissoluto, ligno tamarisci, scolopendrij, semine plantaginis, agni casti, &c. cum cera facto.

74. Hepar etiam roborandum rotulis, obstructions referantibus, quæ recipiunt hepar lupinum præparatum, species diarhod. abbat. rhabarbarum elect. ex quibus cum saccharo in aqua absinthij dissoluto fiat confectio in rotulis. Deinde oleo de spica, vnguento santalino inter se mixtis, inungendum. Vel etiam illi imponitur emplastrum de meliloto, aut crustulum lapidis molaris, vel marchasita calefactum irroratur aceto, & iecinori applicatur.

2 75. Vomitum initio paroxysmi vnicè commendatur. Galenus etiam à cibo frequenter vomere suadet, quod certè vtilissimum erit, si paulò ante accessionem fiat. Et si nihil prohibuerit, helleborum album dare oportet: primum quidem permistum radicibus; quòd si nihil fecerit, helleborum ipsum, vomiturus autem sese plurimo ingurgitet, & vario cibo, inprimisq; oleoso, & pingui, aut alio, qui nauseam excitare valeat.

76. Et hæc quidem extra paroxysmum sunt obseruanda, verum cum horror in hac febre molestissimus sit, negligi etiam non debet. Itaq; si non cedat facile pluribus integumentis, & lateribus calidis ad pedum plantas apposis, licebit deinceps, paulò ante accessionem, vel dum oscitationes, & pandiculationes fiunt, dorsi spinam inungere oleis, chamamelino, anethino, cheirino, irino, rutaceo, costino, laurino, nardino, de piperibus, aut de castorio, prout leuior, insigniorue fuerit horror.

77. In declinatione, & sufficienter factis euacuationibus conceditur theriaca, mithridatum, confectio alkermes, & similes antidoti, quarum vi reliqua morbi absumentur, & viscera corroborentur. Verum ista siccandi vi pollentia, humectantibus corrigi debent, usq; vel simul, vel paulò post assumtis. Quoniam aridius euasit corpus à febrili calore, eiusque diuturnitate, itaque deinceps humectandum.

78. Quare perperam etiam in antidotis exhibendis Alexander Galenum reprehendit, vt qui nulla distinctione vsus, antidotum ex liquore cyrenaco omnibus exhibeat: cum tamen Galenus facili, & expedita distinctione vtatur, non ab initio hæc antidota, aut omnino ante statum exhibenda, sed, vt commemoratum est, in declinatione, & post valentem purgationem.

79. Concedunt nonnulli in statu balneum, ad largiorem humectationem, quia materia, quæ hanc febrem fouet, maximè peccat siccitate. Galenus tamen, etsi Quartanarios à frictionibus, ambulationibus, & balneis non penitus prohibeat, subiungit tamen, si omnino possent à balneis abstinere, solis contenti frictionibus, quamplurimum ex eo iuuamen admitterent.

80. Ad sitim, quando maximè vrgebit, & iam aderit paroxysmi status, concedetur potio ex syrupo de buglossa, violato, capillorum Veneris, aut alio simili. Vinum enim in paroxysmo vix tutò præbetur, quia febrilem calorem auget. Concedi tamen potest ijs, qui illud avidius expetunt, & non promptè sudant; verum ὀλιγοφόνον, & modicè dilutum.

81. Pharmaca à proprietate conferentia, vt sunt Catapotia ex telis aranearum, pulvis cancrorum, radices plantaginis, trifolium, vermiculi in dipsaci capitulo inuenti, hypericum, buglossa, pentaphyllon, gentiana, carduus benedictus, & si quæ similia reperiuntur, in medio relinquimus. Hæc enim de Quartana febre dicta sufficiunt.

FINIS.



